



## Terenga 3: Hōtaka – 04 Tātai Whakapapa

Ngātoro ana te reo tāwhiri ki ngā awa whakaterere waka me ngā tihi whakarongo kōrero o te whenua houkura e noho nei tātou. Nau mai rā ki te kāinga o Ako. Ki konei toua ai e tātou te kāpura o te reo ki roto anō i a tātou.

### Hei Mahi Whakarongo

Ko te tātai whakapapa te kaupapa o te kōrero e haere ake nei i runga o Te Kāuta. Anei ngā pātai hei whakautu mā koutou:

- 1) He whanaunga ngā kaikōrero?
- 2) Nō whea a Nau?
- 3) Nō nawhea ia i whakapuaki ai i tōna ingoa?

### He Whakamārama

Anei ētehi huarahi hei tātai i tō whakapapa.

**Nā** Te Werawera **ko** Te Reo. **Nāna ko** Tioriori. **Nāna ko** ahau.

**Ka moe a** Tewi **i a** Hera, **ka puta ko** Kahu.

Tokorima ngā tama a Mahu, **tōmua ko** Pere, **tōmuri ko** Ruihi rātou ko Pakē, ko Timi, ko Mere.

**Hei** tungāne **a** Rāhui **mōku**. / **Hei** tungāne **a** Rāhui **ki** a au.

### Hei Mahi

Whakakāia ngā wāhi wātea ki te whakamārama, ki te whakapākehātanga rānei:

	kupu whakapapa	whakamārama	whakapākehātanga
1	autāne	te tāne a taku tuakana (he wahine ahau)	
2	hunaonga		son-in-law daughter-in-law
3	taokete	te tāne a taku tuahine (he tāne ahau) te wahine a taku tungāne (he wahine ahau)	
4	hungawai		mother-in-law; father-in-law
5	tamaiti whakaangi	te tamaiti a taku tāne tuarua rāua ko tētehi wahine kē atu	

#### He Whakautu:

1. brother-in-law (of a female)
2. te tāne a taku tamāhine, te wahine a taku tama, te hoa rangatira o taku tamaiti
3. brother-in-law (of a male); sister-in-law (of a female)
4. te whaea o taku hoa rangatira; te pāpā o taku hoa rangatira
5. step child